

射洪縣志

地2801冊
35
91-16

昆明志 129



重修射洪縣志序

國有信史志是已志者紀其地之疆



域山川人物風俗將！坐諸承久顧
合數代而編一書必兼數手而求一
書茲率爾操觚不為廣搜博採俾無
罅漏即非所以為志射為古東鄰地
宋元以來載籍無徵明志修於邑令
李公森郭子聲纂成之甲申之變槩
燬於兵

射洪縣志

卷一

序

國

朝熙熙中唐君戶郊因郭志殘編勒
為成書沈佳亭因輯而廣之然志
簡而不賅沈志博而不精俱未足為
善本嗜古之士憾焉己卯予權篆
斯邑邑諸生請以往修通省志奉大

府檄採訪各州縣事蹟惟射志缺略
有閒數年以來搜羅既備考核益詳
今將付梨棗請公一言以爲之叙予
曰聞幽微表節義拾遺聞補缺昭使
一邑文獻有徵傳之百世不替守土
者責也予自下車以來爲日雖暫而
徧閱其人情風尚竊喜其士氣醇其

鄉俗樸其民畏法而愛上背常道將
有言巴蜀之人質直好義有先民之
流焉信哉斯言今志旣成用付剞劂
予願射之士民撫遺文景前哲爰教
其子兄勉其弟敦詩書而說禮樂使
醇樸之風蒸蒸日上不徒侈搜覽之
宏博則予之厚幸也是爲序

嘉慶二十四年歲在己卯孟冬署射
洪縣令秦州張復謨



射洪縣志

卷一

三

射洪縣志卷首

原敘

原志序

唐麟翔

射洪文獻之區漢名郪縣唐號通泉宋元以下代有傳人舊史所載琅琅炳炳名山名水率多題詠謂爲文獻不虛矣夫志以紀往事述前言有關於文獻最重迺曠焉廢墜幾二百餘年信史無存殘編亦缺考之傳聞而故老皆無在者噫嘻是固一邑之憾耶蓋天下之文獻繫焉金華玉屏天下名山之勝也射江天下之名水也陳元敬之豪俠古

射洪縣志

卷首

原敘

今所罕有陳子昂之文章古今天下之所宗也杜甫詩史獨詳於射洪天下文人之所嚮慕也是故志一邑而徵諸天下此其是已顧論者輒曰籍亡則文易湮人亡則獻無考存什一於千百良難盡如是也廢將誰與興哉余自庚寅受事射洪首諮長老則有爲余言成化縣令郭鏗以黃門通政都御史謫官是邑修舉廢墜聿有成書而今亡矣有邑人某家藏一帙蠹蝕其大半首尾錯簡余衷諸廣輿記省志潼川州志參互考訂補遺正誤集諸庠彥分類編摩刻期張局凡四閱月而志成爲圖

二爲卷十爲類三十有五爲附類十有三更續增秩官一卷方之前志雖云畧備於射邑大致亦楚楚矣或前而請曰射洪兵燹之餘典章散佚子之爲是志也於何徵信而得之余曰山川形勝詳於輿圖賦役詳於全書人物詳於古史關梁祠廟陵墓古蹟詳於遊覽名宦鄉賢事實詳於省志纂而輯之志固未爲無徵也曰子之爲是事也功誠偉矣抑射洪人士尙有遺文可搜輯乎曰子昂感遇詩三十八章今缺其九杜甫流寓詩十有八章今存十二文同之詠物楊慎之泛舟明忠節楊最之

射洪縣志

卷首 原敘

二

前後疏悉爲採入其他傳記碑銘有美斯載間有未備不敢以傳疑誤信史也最後得吾鄉王太史誥視學蜀中撰有重修讀書臺記補刻於藝文之末斯不亦井然備志實耶是書之成也以記事則法戒昭以纂言則文采著以稽人物則臧否明以考沿革察廢興則時代晰綱舉目張傳之後世或謂射洪猶有未盡亡之信史也不其無憾於什一之僅存矣哉若夫耳目窮於幽討心力阻於遐搜一出一入方懼前人之不我許焉乃謂以一邑繫天下之文獻也則余豈敢康熙壬辰長至前一日

原志序

黃錫策

余讀邑志而知我唐使君洵良史才也稽古列國皆有史所以紀因革垂勸戒明政治之得失著風俗之盛衰也至漢唐末天下一君天子有史而列國無史雖然不可謂無其事並無其文今之府州縣志卽列國之史也惜無良史才不過載其事誌其文耳揆諸筆削之義戛戛乎其難哉或長篇累牘煩而不整或鄙俚雜穢俗而不典或得之傳聞書不核實或任意褒譏去取鮮當此袁松所以有五難之說也吾邑志乘在有明成化間成於邑侯郭公自弘正以迄啓禎茫無可考山川如故人民半非弔伯玉之芳徽訪劉蛻之文塚漠然徒見山高而水深文獻無徵將不信不從人矣若是則志書一編固爲治者之首事也我

朝定鼎數十年來官斯土者艱於訪聞人無成書庚寅冬唐使君以名進士來宰吾邑簿書之暇博採稗官旁詢故老輯成志乘整而不煩典而不俗傳聞核實褒譏悉當蓋儼然良史哉其間或興或革爲勸爲戒燎如指掌以之考政治可見得失以之驗風俗可知盛衰使君之利於吾邑者大矣昔王詔

之撰晉陽紀爲後世佳傳時人謂其宜居史職頃
之除著作郎今使君修射洪志爲後世信史以此
載筆承明恢其制作則鼓吹當代者非使君而誰
哉至使君之爲政風清弊絕已洋溢三蜀間茲不
復云

重刻射洪縣志敘

何辰

邑之有志猶列國之有史也我

朝文治日臻凡在州邑莫不博覽參稽纂修成帙以爲
採風問俗之徵獨是陵谷易時豕魚傳誤網羅舊
聞訪求故老參伍錯綜之義因革損益之宜俱宜

射洪縣志

卷首

原敘

四

悉心遊集靜氣端攻而後集腋成裘勒爲一書壽
之梨棗爲一邑之鉅觀此固非良史之才不能亦
非一朝一夕之所致也射洪縣志自前明兵燹之
後舊志散逸無存康熙五十一年泰州唐君麟翔
宰於斯邑創成縣志凡十卷自是而後踵事增華
者缺焉其人相沿歲久所爲射洪縣志僅得殘缺
印板數十片而已予於乾隆丙子冬來宰茲邑簿
書盈几民事爲勞百廢具興之懷固有志而未遑
也值觀察使劉公行部至縣深以射洪由來號爲
名區舊志雖久經廢失宰斯邑者其可以任其湮

沒而無傳予承命之下欲然心計縣志自唐君創
修之後積於今四十有七年矣其間沿革上田戶
口賦役以及官師人物典章制度要在重修而後
備竊以不才謏焉駑鈍入而案牘出而臨之兢兢
業業時有鞭長莫及之虞冀得博雅宏通之士相
與朝夕從事於斯則知交甚寡延攬無由月旦籌
度者久之因訪於邑之馬生家得唐君射洪縣志
成書一部付之梓人重加刊刻其間悉仍其舊而
無所更焉夫重刻舊志本無足錄比於餽羊之義
由賢乎已亦聊以備將來重修縣志之徵云爾重

射洪縣志

卷首

五

刻既成爰序其顛末而跋於左乾隆戊寅仲夏

重刻射洪縣志敘

劉益

自古司牧之責首在安民安民之方莫先富教而
所以富之教之者則詳具於志書蓋志之所載皆
疆域若土田若戶口若政事若人文其高下肥瘠
醇駁盈虛一展卷而盡得之其間或酌古以準今
或緣俗以立制或因之以制宜參伍錯綜神妙而
變化之所以佐出治之資者非一端則志之繫於
富教不其重哉睽茲天府石紐啓新篇嚴闢國而
錦江玉壘地爲梁州自夔秦兩漢以來開創列在

版圖鑿離堆穿二江富之始也建學宮善誘掖教之始也沿及二晉歷唐宋元明循良代著世有傳人而修和之業布在方冊有典有則可法可師我國家煦嫗覆育累治重熙凡守土之官莫不後先爭奮以富教爲已任百餘年來荒蕪者悉已開墾質樸者日以文明熙熙然郁郁然士民樂業共享昇平於戲盛矣歲乙亥之冬予欽承

帝命分巡四川之北叱馭而行仲春抵蜀視事後惟日孜孜深懼職業之難稱越數月周歷所轄三府固切切於民生尤畱心於志乘行部至射洪邑令何君

射洪縣志

卷首 原敘

六

來謁公事竣詢及縣志則康熙五十一年前令唐君曾創十卷今僅存板片尙多殘缺余以射洪山連越嶺水散巴渝夙稱名勝而人文之盛甲於他邑猶幸有舊板可稽若蒐羅全帙校刊而一新之既足備文獻之徵而成規具在尤足爲富教之助爰語何君亟爲搜訪釐刻以成一邑全書何君既勤其職復勤於斯舉乃於邑之紳士家檢得全編付之剞劂茲已告竣予披覽之餘綱舉目張允符體式而文章政績炳若日星是足以信今傳後而爲法於良牧矣若夫探禹穴發西藏集奇珍於元

園操鉅斧於鄧林以續四十年來之事蹟則俟之博雅君子焉

重刻射洪縣志敘

鄭王臣

予嘗讀杜子美射洪通泉諸詩想見其山之崔巍川之綺麗恨不得徘徊流覽於其間乾隆戊寅五月予奉制府檄權潼川郡倅所泊在射洪境上方將訪伯玉之書堂尋復愚之文冢選勝弔古發爲詩歌以攄幽情而酬夙願顧匆匆未暇及也適邑令何君斗南惠然過臨相與談邑中故事娓娓不倦因言重刻舊志將竣俾予敘之次日緘書見示

射洪縣志

卷首 原敘

七

康熙中前令唐石郊之所輯也予受而讀之書甚簡約卽子美諸詩尙多未收如慧普書榜通泉畫壁名流墨妙照耀山川二詩不可不載也文公上方十年不下而仙釋佚之趙薛同舍千里來遊而流寓遺之諸詩皆所當錄也若夫牛車之句爲梓州之兜率羊石之事乃婺州之金華又不宜附會採入者也蓋唐君當兵燹之後獻亡文佚考訂良難故其所草創者止是然抱殘守缺以待後人使一邑掌故不與塵埃野馬同歸消滅其功詎不偉哉何君治邑二年修廢舉隊重鋟以傳又因書出

前人不欲更加筆削用意亦誠厚矣曩予諷誦杜詩思一遊而不得今幸眺通泉之樓飲射洪之酒又獲附名志乘於此間似有夙緣姑舉鄙見以補唐君所未詳聊比於芻蕘之一得不然粗記杜詩數首輒敢詆詛前輩不適形其陋且妄哉今何君以精敏之才淹雅之學簿書案牘無足以累其心公退多暇行將取唐君之書芟蕪補闕博採廣蒐以成信史與梓潼古今記風俗譜諸書並傳於後予更得藉手觀成是又所深望也夫

重修射洪縣志敘

張松孫

射洪縣志

卷首 原敘

八

稽古小史掌邦國之志外史掌四方之志志之設由來舊矣射洪在梓州南六十里爲古東郵通泉地自唐陳正字雅音振起六代典型海內焜耀千古遂爲東蜀文獻之邦予莅郡之明年按部至其地訪讀書臺弔瘞文冢尋工部通泉之蹟誦代公寶劍之篇足徵山川炳靈磊落英多緬想曩昔聲名文物之盛因急索其舊志觀之意謂鴻文鉅製必有不同於他作者乃寥寥數頁文法未確衷於史詞義未盡純於道凡金石可徵聞見周知者缺畧什四五鳴乎以是欲信今而傳後吾未見其行

之遠也按舊志爲唐石郊先生手訂先生江南名宿由南宮第一人出宰百里殫力以成此編而猶紕漏迂漫不能無議况予之不學萬倍不及前人哉自唐君修舊志迄今已七十餘年補纂孔亟予旣不得辭其任且幸際昇平盛世政簡刑清得與諸僚友從容論定而又佐以賢侯沈佳亭富於采輯一無罣漏於是準史例覈實蹟僞訛者正之闕失者補之夫而後金華石鏡之秀削瀾水涪流之綺麗鬱鬱葱葱懿矣梓南望縣一展卷而瞭然吾不知後之覽者視前志何若而綱舉目張詳明瞻博用以備守令之稽考待燕許之裁酌予竊幸予之不失爲善本也因付剞劂並識數語於卷首乾隆丙午春二月序

重修射洪縣志序

沈詩杜

志乘之設非徒鋪張揚麗侈爲耳目之觀而已凡戶口之登耗土地之肥瘠士習民風之淳駁一切盛衰之故於是焉考故邑之有志所以徵實也射洪在郡治東南隅幅員不甚廣而水陸交衢舟車駢集川以北稱門戶焉自兵燹以後民居畧盡家所藏書悉付灰燼

國初至今登甲乙科者寥寥十餘人而士氣衰矣境內跬步皆山少平原衍曠之土惟瀕江兩岸舊稱沃壤乾隆辛丑壬寅等年秋水暴漲冲汰過半所存者沙礫而農困矣地素產鹽居民強半以井爲業比年以來井水枯涸懸筒輟煎者所在皆是鹽不敷引而商與竈俱疲矣夫盛衰時也由衰溯盛而欲挽之以復於古爲民牧者之責也顧盛衰之故胥於志乎備之射洪舊志爲成化年間郭君鏜所撰康熙五十一年唐君麟翔因續而成之迄今又七十餘年矣余急思增輯以補前人所未詳顧

射洪縣志

卷首

原敘

十

以限於才力有志而未之逮也歲在癸卯郡伯鶴坪張公來守潼川公於政事文章具有原本市下車慨然以振興廢隤爲已任念學宮歲久將圯爲捐資而修葺之省視殿楹登鉤籩豆之器缺如走倅至江南載以來徂其志如古書院則增膏火捐書籍俾士子得肆力於學絃誦之聲比隆鄒魯又以所屬多高山深箐恐伏莽之徒乘間竊發迺選丁壯若干人整齊步伐申明號令授兵器以時演習坐作進退別爲隊伍請於制軍入奏

天子人知令甲所在罔不遵循而不知公實開其先也教

養兼盡捍衛有資文武之道備矣閱二載政通人和獄訟衰息公於勤政之暇創修府志不數月而歲事隨舉八邑之志次第而釐訂之屬杜曰編纂射邑志垂成其綴數言於簡末予閱其大凡文稱其實辭敷於事井然秩然有條有理斯足以信今而傳後矣余受事射洪七載於茲不能獨任斯舉深用慙然而猶得從公之後補亡校訛稍參末議以自附於游夏之列又竊有利幸焉若夫戶口之登耗土地之肥瘠以及士習民風之淳駁昔胡爲而盛今胡爲而衰所願與邑人士共勉之以庶幾

射洪縣志

卷首 原敘

十一

副公圖治之意也夫

射洪縣志卷一

凡例

一射洪縣志纂修創自前明邑令李森郭子聲鏗因其稿纂成其後又有萬歷續志兵燹後俱燬於火國朝康熙末唐石郊訪得郭志殘帙僅成數卷乾隆丙午雖經沈佳亭增修舊志其間不無參錯缺畧之處今特搜輯羣書並各處殘碑斷碣參互考訂補輯編次其引書則標提各書名目志中如郭令所修謂之郭志唐沈亦如之

一天文唐志不載沈志粗舉大畧今詳爲開載者蓋射洪縣志 卷一 凡例 一

蜀郡地處偏隅奇書秘籍人罕能觀是以徵引羣書條列占驗以備觀象之一助云

一輿地唐志沈志所載甚簡塚墓古蹟收載頗畧今彷彿通志并吉水綿州等志體例凡寨堡金石節婦貢生冢墓并舊家故宅皆得附入因爲依次登之一沈志典禮志止及祀典其餘若迎詔耕藉勸農讀法鄉飲諸事概未之及然禮爲國幹古人攸重故彷彿諸志條目詳加編定

一人物沈志自唐以前概不收入茲編孝友則依建置沿革列新城之趙拔扈於篇首忠節自三蹇外

如張瑞宿胡萬超諸死節者悉爲採入至行誼隱逸仙釋流寓賢淑貞義節烈等類並採訪明確依次分載

一沈志不列藝文一門意在化繁歸簡然哀諸史體義未盡當今取體製高古可以特載者入藝文志餘悉散見各門其餘詩銘諸作與射無關者皆不入

一通志雜類志以紀事紀聞外紀各爲一冊蓋蜀中爲劒外都會逸事頗多無嫌分列一邑則盡數搜羅不過數十餘事若徧其例則瑣屑而不成卷帙

射洪縣志

卷一 凡例

二

故一以外紀括之而以詳異一志另爲一卷以終焉